

sed miseriam non excludit. Feliciter ergo non diligit; donec ad verum et summum bonum per amoris desiderium se convertit. Quia vero summum et verum bonum Deus est solus, ille feliciter amat, qui Deum amat, et tanto felicius quanto amplius. Hæc igitur est vera cordis nostri requies, cum in amore Dei per desiderium figitur, nec ultra quidquam appetit, sed in eo quod tenet, quadam felici securitate delectatur. Quia enim illud nec appetitus ultra protrahit, nec timor repellit, quodam modo in idipsum jucunditatis sine vexatione requiescit. Sed quia humanæ mentis infirmitas, ut non dicam semper, sed vix aliquando in illam divinæ contemplationis dulcedinem figi potest, quodam interim studio ad illam, ad quam neandum pertingere sufficit, stabilitatem assuefacienda est: id est, si Deum semper cogitare non possumus, saltem cor nostrum ab illicitis et vanis cogitationibus restringendo, in consideratione operum Dei et mirabilium ejus illud teneamus; ut dum semper minus instabiles esse satagimus, tandem aliquando donante Deo vere stabiles fieri valeamus.

CAPUT VII. *Quomodo comparanda. Fides navis in hujus mundi fluctibus. Unde aedificanda.* Ut autem promotionis hujus-aliquod tibi exemplum subjiciam, universus iste mundus quasi quoddam diluvium est, eo quod omnia quæ in hoc mundo sunt, ad similitudinem aquæ incertis eventibus fluctuando decurrant. Vera autem fides, quæ non transitoria, sed æterna promittit, quasi a quibusdam fluctibus, sic a mundi hujus cupiditate in superna animum attollit: et portari quidem ab aquis potest, sed mergi omnino non potest; quia ad necessitatem hoc mundo utitur, sed eis desideriis per affectum non implicatur. Quisquis ergo æterna non credens, sola quæ transeunt appetit,

hunc quasi sine navi laborantem in fluctibus, impetus aquæ decurrentis secum trahit. Qui vero æterna credens, transitoria diligit, hic juxta navem naufragium facit. Qui autem æterna bona et credit, et diligit, hic in navi positus, fluctuantis maris undas securus pertransit: et quia per desiderium sidei navem non transgreditur, jam quodam modo in fluctibus terræ stabilitatem imitatur. Primum ergo, si hoc mare magnum illæsi pertransire volumus, fabricemus navem, ut fidem integrum habeamus; deinde navem sidei inhabitemus per charitatem, ut et credamus quod diligere debemus, et diligamus quod credimus: siveque et lex Dei in corde nostro sit per rectæ fidei cognitionem, et cor nostrum in lege Dei sit per dilectionem.

Sed ut facilius cognoscas quomodo vel unde hanc, quam dixi, navem vel arcam in corde tuo aedificare debeas, per quam hujus diluvii naufragio eductus, ad portum quietis pervenias; duo opera Dei considera, videlicet opus conditionis, et opus restorationis. Opus autem conditionis est creatio cœli et terræ, et omnium quæ in eis continentur, quæ sex diebus facta sunt. Opus vero restorationis, incarnationis Verbi, et omnia quæ a principio mundi usque ad finem, vel ad eam prænuntiandam præcesserunt; vel ad ipsam confirmandam secutura sunt: quæ omnia sex ætatibus fiunt. Sed opera restorationis magis pertinent ad fidem catholicam, quæ idcirco sancti amplius diligunt, quia in eis suæ salutis remedia agnoscunt. Hæc autem partim per homines, partim per Angelos, partim per semetipsum operatus est Deus: ut in arca spirituali prima sit mansio opera hominum, secunda opera Angelorum, tertia opera Dei, supremus cubitus, auctor universorum Deus.

ADMONITIO

IN SUBSEQUENTEM LIBRUM.

Liber de Diligendo Deo pius est, judicio Erasmi ac Theologorum Lovaniensium, nec ineruditus: sed subditius tamen, vel ipsa ex phrasi plurimum discrepante ab Augustiniana, merito iisdem visus. Auctor certe se ipse ætatis recentioris esse satis eo prodit, quod Hieronymi dictum ex lib. 5 in Matth. xviii citat in hunc modum: *Unde quidam sanctus ait, Magna dignitas animalium*, etc. Contulit huc sententias ad inflammamendam dilectionem Dei, variis ex librī, Hugonis Victorini in primis, Bernardi et Anselmi. Et quidem a capite 4 ad 11, nihil nobis legendum aliud præbet, quam quod verbis iisdem ac fere totidem scripsit Hugo in Soliloquio de Arrha animæ. Alia itidem sunt ex aliis Hugonis opusculis excerpta loca, plura etiam ex diversis Bernardi Concionibus, et quædam ex Meditatione apud Anselmum postremæ editionis decima sexta, quæ nos passim positis notis e regione monstramus (a). Ad extremum, capite 18 exhibetur insignis locus Anselmi ex ipsius Proslogio. Sapit hoc opus eumdem auctorem ac liber de Spiritu et Anima. Nec forte alteri melius adscripseris Manuale, et alia quædam opuscula quæ hic postea repræsentantur, itemque libros apud Hugonem de Anima primum et tertium, qui apud Bernardum Meditationes et de Conscientia nuncupantur. Cæterum Vincentius Bellovacensis, lib. 23 Speculi naturalis, cap. 1, nonnihil quod legere est cap. 5 hujus libri, citat nomine Petri Comestoris. Librum contulimus cum MSS. Regiis duobus in quibus Augustini nomine falso prænotatur.

(a) Ante ipsa capitula notis alphabeticis indicavimus libros ex quibus varia loca passim excerpuntur. M.

DE DILIGENDO DEO

LIBER UNUS.

CAPUT PRIMUM. *Via ad vitam charitas. Modus diligendi Deum et proximum.* Vigili cura, mente sollicita, summo conatu, et sollicitudine continua decet nos inquirere et addiscere quomodo et qua via possimus infernale supplicium vitare, et cœlesti gaudium acquirere; cum nec illud supplicium vitari, nec illud gaudium acquiri possit, nisi via cognita qua est illud

vitandum, et illud acquirendum. Audiamus ergo libenterius, inspiciamus diligentius verba Apostoli, quibus ipse duo ostendit, scilicet quod cœlestis gloriæ vita ineffabilis est, et quæ sit via quæ dicit ad vitam: ait enim, *Nec oculus vidit, nec auris audivit, nec in cor hominis ascendit, quæ præparavit Deus diligentibus se* (I Cor. ii, 9). Ecce per hoc quod dicit Deum præ-

parasse bona diligentibus se, ostendit quia dilectio via est qua ad illa bona pervenitur. Sed dilectio Dei sine dilectione proximi haberri non potest, testante beato Joanne, qui ait: *Qui non diligit fratrem suum quem videt, Deum quem non videt, quomodo diligere potest? Et hoc mandatum habemus a Deo, ut qui diligit Deum, diligat et proximum suum* (*I Joan. iv, 20, 21*). Ecce in hac geminā dilectione consistit vera charitas, de qua Apostolus loquens ait: *Excellentiorēm viam vobis adhuc demonstro* (*I Cor. xi, 31*). Ecce charitas excellentissima via est quae dicit ad cœlestēm patriam, et sine qua illuc nemo pervenire potest. Sed quis in hac via est? quis novit eam? Qui diligit Deum et proximum.

Quomodo diligendus est Deus, et quomodo proximus? Deum debemus diligere plus quam nos, sed proximum sicut nos. Deum diligimus plus quam nos; si præcepta ejus voluntati nostræ in omnibus praeponimus: proximum autem non jubemur diligere quantum nos; sed sicut nos, id est, velle et optare omne bonum, quod debemus velle et optare nobis, et maxime æternam beatitudinem; et ad illam obtinendam ei succurrere, et in corporalibus bonis, et in spiritualibus, prout ratio exigit, et facultas permittit. Unde Dominus in Evangelio ait, *Quicumque vultis ut faciant vobis homines, et vos eadem facite illis* (*Matth. vii, 12*); et Joannes apostolus ait, *Non diligamus verbo neque lingua, sed opere et veritate* (*I Joan. iii, 18*). Sed qui sunt proximi, quos debemus sic diligere? Certe omnes homines, Christiani, Judæi, Pagani, amici et inimici.

CAPUT II. *Quare et qualiter diligendus Deus. Amor Dei excitatur ex intuitu creationis. Creatura rationalis duplex. Ad quid facta.* (a) Cum ergo tota salus nostra in dilectione consistat, quare et qualiter Dominus noster a nobis diligendus sit, diligenter considerandum est. Ad Dei igitur dilectionem in nobis excitandam, nutriendam et augendam nihil ita valet, sicut beneficiorum ejus frequens et diligens consideratio. Tanta enim nobis tribuit, tantaque retribuit, quod deficit anima nostra, deficit prorsus in consideratione tantorum beneficiorum ejus. Et licet non possumus ei tantum et tantas, ut decet, amorem et obsequium et gratiarum actiones persolvere, tamen quantum et quantas possumus rependere debemus. Ecce quare, id est, pro beneficiis suis, quæ sua magna pietate, sua gratuita bonitate, nullis nostris meritis exigentibus nobis contulit Dominus, a nobis quoque multum diligendus est. Qualiter autem a nobis diligendus est Deus, illud ejus mandatum manifestat, quod nimis mandavit, et nimis custodiri voluit (*Psal. cxviii, 4*). Audi igitur, o homo, illud omnium mandatorum et maximum et primum mandatum: audi, inquam, illud diligenter, retine memoriter, meditare jugiter, et pro viribus tuis imple instantier, assidue et perseveranter. Hoc autem est illud mandatum, *Diliges Dominum Deum tuum ex toto corde tuo, id est, ex toto intellectu; et ex tota anima tua, id est, ex tota voluntate tua; et ex tota mente* (*Deut. vi, 5, et Matth. xxii, 37*), id est, ex tota memoria: ut omnes cogitationes tuas, omnemque vitam tuam, et omnem intellectum tuum in illum conserves. Sed quia parum te forte a Deo diligisti, illum quoque parum diligere non verris. Scrutare ergo et revolve in animo tuo quæ tibi contulit dona et beneficia, quæ promisit: et te vehementer illum debere diligere convinceris.

Ut autem amor Dei in te amplius excitetur et crescat, considera diligenter, a quo, quare, vel ad quid creatus sit homo, quæ Deus propter hominem crevit. Sciendum est ergo rerum creatarum, cœlestium et terrestrium, visibilium et invisibilium causam non esse nisi bonitatem Creatoris, qui est Deus unus et verus: cuius est tanta bonitas, quod ¹ alios suæ beat-

titudinis qua æternaliter beatus est, velit esse participes, quam videt communicari posse, minui omnino non posse. Illud igitur bonum, quod ipse erat et quo ipse erat beatus, sola bonitate, non necessitate aliis communice voluit: quia summi boni erat prodesse velle, et omnipotentissimi nocere non posse. Et quia non valet ejus beatitudinis particeps existere aliquis, nisi per intelligentiam, quæ quanto magis intelligitur, tanto plenius habetur; fecit Deus rationalem creaturam, quæ summum bonum intelligeret, intelligendo amaret, amando possideret, et possidendo frueretur: eamque modo distinxit, ut pars in sui puritate permaneret, nec corpori uniretur, scilicet angelus; pars corpori jungeretur, scilicet anima. Distincta est igitur rationalis creatura in incorpoream et corpoream. Incorporea, angelus; corporea vero, homo vocatur, ex anima rationali et carne subsistens. Conditio igitur rationalis creaturæ primam causam habuit, Dei bonitatem. Creatus est igitur homo vel ¹ angelus propter bonitatem Dei. Nam quia bonus est Deus, sumus; et in quantum sumus, boni sumus. Ad quid autem creata est rationalis creatura? Ad laudandum Deum, ad serviendum ei, ad fruendum eo: in quibus ipsa proficit, non Deus. Deus enim perfectus et summa bonitate plenus, nec augeri potest nec minui. Quod ergo creatura rationalis facta est a Deo, referendum est ad Creatoris bonitatem, et ad creaturæ utilitatem. Cum igitur queritur, quare vel ad quid facta sit rationalis creatura; respondendum est, Propter Dei bonitatem, et creaturæ utilitatem: utile nempe est ei servire Deo et frui eo.

CAPUT III. *Hominis sunt omnia.* (a) Factus ergo angelus, sive homo propter Deum dicitur esse, non quia Deus creator et summe beatus alterutrius indigeret officio, quia bonorum nostrorum non eget; sed ut serviret ei et frueretur eo, cui servire regnare est. In hoc enim proficit serviens, non ille cui servitur.

Et sicut factus est homo propter Deum, id est, ut ei serviret; sic factus est mundus propter hominem, scilicet ut ei serviret. Positus est ergo homo in medio, ut ei serviretur, et ut ipse serviret: ut acciperet utrumque, et res fueret totum ad bonum hominis, et quod accepit obsequium, et quod impedit. Ita enim voluit Deus sibi ab homine serviri, ut ea servitute non Deus, sed homo ² juvaretur: sed voluit ut mundus serviret homini, ut exinde similiter juvaretur homo. Totum igitur bonum hominis erat, et quod factum est propter ipsum, et propter quod factus est ipse. *Omnia enim, ait Apostolus, nostra sunt* (*I Cor. iii, 22*); superiora scilicet, æqualia et inferiora. Superiora quidem nostra sunt ad perfundendum, ut Deus creator Trinitas. *Æqualia nostra sunt ad convivendum*, scilicet Angeli, qui etsi modo sunt superiores nobis, in futuro erunt æquales (*Matth. xxii, 30*). Et inferiora nostra sunt, quæ ad usum nobis sunt, sicut res dominorum dicuntur esse famulorum, non domino ³, sed quia sunt ad usum eorum. Ipsique Angeli in quibusdam Scripturæ locis nobis servire dicuntur, dum propter nos in ministerium mittuntur: unde Apostolus ait, *Quoniam omnes administratorii spiritus sunt, missi in ministerium propter eos qui hereditatem capiunt salutis* (*Hebr. i, 44*). Neque id incredibile cuiquam videatur; quandoquidem et ipse Creator et Rex Angelorum venit, non ministrari, sed ministrare, et dare animam suam pro multis (*Matth. xx, 28*). Dicuntur enim Angeli orationes et vota nostra offerre Deo: non quia Deum doceant, qui omnia antequam fiant, sicut et postea facta sunt novit ⁴; sed quia ejus

¹ Alias, ut.

² Comestoris excerptum et Hug., hic addunt, serviens.

³ Editi, non privatione a domino.

⁴ Ms. Regius, et plus quam fiant novit.

(a) Verba hæc Comestoris nomine citantur a Vincent. Bellov., lib. 25 Spec. nat., cap. 1; Hug. Vict. lib. 4 de Sacram. p. 2, cap. 1; et Bernard., Serm. 1, de S. Michaeli.

¹ Alias, ut.

(a) Ex Hug. Vict. lib. 1 de Sacramentis, p. 2, cap. 4, et ex vd., Summæ Sentent. tract. 2, cap. 4.

voluntatem super his consulunt, et quod Deo jubente completum esse cognoverint, hoc nobis evidenter vel latenter reportent. Unde angelus hominibus ait : *Cum orasti, orationem vestram obtuli Deo* (*Tob. XII, 12*). Similiter et nos cum oramus, non Deum docemus, quasi nesciat quid velimus, et quo indigeamus : sed necesse habet rationalis creatura temporales causas ad aeternam veritatem referre, sive petendo quid erga se fiat, sive consulendo quid faciat. De excelso igitur celorum habitaculo ad consolandos, ad visitandos et ad adjuvandos nos attrahit supereminens charitas Angelos, propter Deum, propter nos, propter se ipsos. Propter Deum utique, cuius tanta erga nos pietatis viscera ipsi quoque, ut dignum est, imitantur : propter nos, quibus nimirum propter propriam similitudinem miserantur : propter se ipsos, quorum ordinis instaurandos ex nobis toto desiderio praestolantur.

CAPUT IV. Anima dignitas. Ex Dei in eam amore dignoscitur. Cui ex Dei dono cuncta famulantur. Creatura quomodo diligenda, quomodo Creator. (a) Primum ergo necesse est ut quisque se ipsum consideret, et cum cognoverit dignitatem suam, ne injuriam faciat Creatori suo, abjectiora se non amet. Nam et ea quae per se considerata pulchra sunt, pulchrioribus comparata vilescent ; et sicut ineptum est deformia pulchris conjugere, sic omnino indecens est ea quae non habent nisi insimam quamdam et imaginariam pulchritudinem pulcherrimis coequare. Tuam ergo, anima, attende pulchritudinem ; et intellige qualem pulchritudinem debeas diligere. Quod si forte interna visio tua per negligentiam tuam obscurata est, et temetipsam, ut decet et expedit, contemplari non sufficis ; cur saltem quod de te existimare debeas, ex judicio alieno non perpendis? Sponsum habes ; sed nescis. Pulcherrimus est omnium ; et faciem ejus non vidisti. Ille te vidit : quia nisi te vidisset, non te diligenter. Noluit adhuc se ipsum presentare tibi ; sed munera misit, arrham dedit, pignus amoris, signum dilectionis. Si cognoscere illum posses, si speciem ejus videres, non amplius de tua pulchritudine ambigeres : scires enim quod tam pulcher, tam formosus, tam elegans, tam unicus in tuo aspectu captus non esset, si non eum singularis decor et ultra ceteros admirandus traheret. Quid igitur ages? Nunc videre illum non potes, quia absens est : et ideo non times nec erubescis illi injuriom facere, quia singularem ejus amorem contemnis, teque alienae libidini turpiter et impudice prostituis. Noli sic facere. Si adhuc scire non potes qualis ille sit qui te diligit, considera saltem arrham quam dedit tibi : fortassis in ipso munere ejus quod penes te est, poteris agnoscere quo affectu illum diligere, quo studio et diligentia te illi debeas conservare. Insignis est arrha ejus, nobile donum : quia nec magnum decuit ut parva daret, nec pro parvo magna sapiens dedisset. Magnum ergo est quod tibi dedit ; sed majus est quod in te diligit. Magnum est ergo quod tibi dedit.

Quid tibi dedit, o anima, sponsus tuus? Respice universum mundum istum, et considera si in eo aliquid sit quod tibi non serviat. Omnis natura¹ ad hunc finem cursum suum dirigit, ut obsequiis tuis famuletur, et utilitati deserviat, tuisque oblectamentis pariter et necessitatibus secundum affluentiam indeficientem occurrat : hoc celum, hoc terra, hoc aer, hoc maria cum eis quae in ipsis sunt universis, explere non cessant; hoc circuitus temporum annuis innovationibus et redivivis partibus antiqua innovans; dilapsa reformans, consumpta instaurans pastu perpetuo subministrat. Quis ergo, putas, hoc instituit? Quis istud naturae praecepit, ut sic uno consensu² tibi serviat? Beneficium accipis, et auctorem ejus non agnoscis; donum in manifesto est, largitor occultus; et tamen ipsa ratio tua te dubitare non sinit, hoc tuum non esse debitum, sed beneficium alienum. Quicum-

¹ Alias, creatura.

² Alias, ut uno censu; vel, sensu.

(a) Verba Hugonis Vict. de Arrha animae.

que ergo ille est, multum nobis contulit : et qui tantum dare voluit, multum dilexit. Tantum ergo diligens, et tam¹ diligendus dono suo demonstratur. Et quam stultum est amorem tam potentis non ultra concupiscere! quam impium, quam perversum est tam diligenter non amare!

Si autem ista diligis, ut subjecta dilige, ut famulanta dilige, ut arrham sponsi, ut munera amici, et beneficia domini : sic tamen, ut memineris semper quid illi debeas; nec ista propter se, sed ista pro illo, nec ista cum illo, sed ista propter illum, et per ista illum, et supra ista illum diligas (a).

CAPUT V. Beneficia Dei recensentur. Cave, o anima, ne, quod absit, meretrix dicaris ; si munera dantis plus quam amantis affectum diligis. Majorem charitatem ejus injuriam facis, si et dona illius accipis, et tamen vicissitudinem dilectionis non impendis. Aut dona illius, si potes, respue; vel si dona illius respuerere non potes, vicissitudinem dilectionis repende. Dilige illum propter se, dilige te propter illum : dilige illum, ut fruaris illo, dilige te, ut diligaris ab illo². Dilige in donis illius quae data sunt ab illo. Illum tibi, et te illi dilige. Haec pura et casta dilectio est, nihil habens sordidum, nihil amarum, nihil transitorium.

Considera ergo, o anima mea, quae communia cum omnibus, quae specialia cum aliquibus, quae singularia sola acceperis. In omnibus his te dilexit, quae vel communiter tecum omnibus, vel specialiter cum quibusdam, vel singulariter tibi soli tribuit. Cum iis rursum omnibus te dilexit, quibus te participatione doni sui sociavit. Prae omnibus iis te dilexit, quibus te singularis dono gratiae praetulit³. In omni creatura dilecta es, cum omnibus bonis dilecta es, praे omnibus malis dilecta es : et ne parum hoc tibi videatur, quod praे omnibus malis dilecta es; quanti boni sunt qui minus te acceperunt?

CAPUT VI. Beneficium creationis, Beneficium reparationis. Hominis valor. Primum cogita, o anima, quod aliquando non fueris, et ut esse inciperes, hoc Dei dono acceperis. Donum ergo ejus erat ut fieres. Sed numquid ei aliquid dederas priusquam fieres, quod tibi hoc ab eo redderetur ut fieres? Nihil prorsus, nil tu dederas, nil tu dedisse poteras priusquam fieres. Qui utique si nil amplius dedisset, pro eo ipso tamen semper a nobis laudandus et diligendus esset. Nunc autem amplius dedit, quia dedit non solum esse, sed et pulchrum esse, et formosum esse. Sed nec hic terminari potuit munificencia largitoris optimi : adhuc aliquid plus dedit, et magis⁴ nos ad similitudinem suam traxit. Voluit ad se trahere per similitudinem, quos ad se trahebat per dilectionem. Dedit ergo nobis esse, et pulchros esse, dedit et vivere : ut præcellamus his quae non sunt per essentiam, et his quae inordinata sunt, aut incompleta aut incomposita per formam, aut inanimata per vitam. Magno debito obligata es, anima mea. Multum acceperisti, et nihil a te habuisti ; et pro omnibus his non habes quid retribuas, nisi tantum ut diligas. Nam quod per dilectionem datum est, nec melius nec decentius quam per dilectionem rependi potest; acceperisti autem hoc per dilectionem.

Jam nunc tibi narrare incipiam quantum iste sponsus tuus, qui tam excellens apparuit cum te conderet, humiliari dignatus est cum te repararet. Illic tam sublimis, hic tam humilis : non tamen hic, quam illic, minus amabilis; quia nec hic quam illic minus admirabilis. Illic potenter magna tibi contulit, hic misericorditer pro te dira sustinuit. Ut enim relevaret te illuc unde cecideras, ipse descendere dignatus

¹ Alias, tantum.

² Apud Hug., quia diligenter ab illo.

³ Locus restitutus ex Hug. et ex Ms. Regio.

⁴ Ms. Regius, et magis dedit; nos.

⁵ Haec verba, amabilis, quia nec hic quam illic minus, ex Hug. supplemus.

(a) Ita et Petrus Bls., de Charitate Dei et proximi, cap. 21.

est hic ubi jacebas : et ut tibi juste redderetur quod perdideras, ipse dignatus est pie pati quod tolerabas. Descendit ergo, suscepit, sustinuit, vicit, restauravit: Descendit ad mortalem, suscepit mortalitatem, sustinuit passionem, vicit mortem, restauravit hominem. Ecce, anima mea, obstupesce tanta mirabilia, tanta beneficia propter te exhibita. Cogita quantum te diligit, qui tanta dignatus est facere propter te. Pulchra facta fueras ejus munere; foeda facta es tua iniquitate: sed rursum mundata es et formosa facta es ejus pietate, operante tamen utroque ejus charitate. Olim cum non esses, dilexit te ut conderet; postea cum foeda essem, dilexit ut pulchram ficeret: et ut ostenderet tibi quantum te diligenter, non nisi moriendo a morte liberare te voluit; ut non impenderet tantum pietatis beneficium, verum etiam charitatis monstraret affectum. Grandi itaque dignatione primo homini spiraculum vitae desuper pius formator infudit: sed multo majori charitate pro eodem homine non jam sua dedit, sed se ipsum impendit atque tradidit. Magnum quidem est de Deo, quod esse me sentio opus ejus: sed multo plus est, quod transisse ipsum video in preium meum; quoniam tam copioso munere ipsa redemptio agitur, ut homo Deum valere videatur. O felix culpa mea, ad quam diluendam dum ille charitate trahitur, ipsa quoque ejus charitas mibi eam desideranti et eam totis praecordiis concupiscenti-aperitur! Nunquam tam bene dilectionem ejus agnoscerem, nisi in tantis periculis expertus eam fuisse. O quam feliciter cecidi, qui post lapsum felicius resurrexi! Nulla dilectio major, nullus amor sincerior, nulla charitas sanctior, nullus affectus ardentior. Mortuus est pro me innocent, nihil in me quod amaret inventiens. Quid ergo dilexisti, Domine, in me, et tantum dilexisti, ut morereris pro me? Quid tale in me inventasti, pro quo tanta et tam dura sustinere voluisti?

CAPUT VII. De beneficio vocationis ad fidem. Et quid, si cogitare coepiris, o anima mea, quot et quales in comparatione tui abjecti sint, qui hanc que tibi data est gratiam consequi non potuerunt? Certe audisti ab initio usque ad hanc diem, quam multae generationes pertransierunt, quae omnes sine cognitione Dei et pretio suae redemptionis in interitum sempiternum dilapsae sunt. Omnibus illis Redemptor tuus te prætulit, quando tibi hanc gratiam largitus est, quam nullus eorum percipere meruit. Tu sola præ omnibus illis assumpta es: et quare hoc in te factum sit, nullam præter solam Salvatoris tui charitatem, invenire poteris causam. Elegit ergo et præelegit te sponsus tuus, amator tuus, Deus tuus, Redemptor tuus: elegit te in omnibus, et assumpsit te ex omnibus, et amavit te præ omnibus. Nomine suo vocavit te, ut mémoriale ejus semper esset apud te. Voluit te participem esse in nomine, participem in nominis veritate: quoniam unxit te illo, quo et ipse unctus erat, oleo lætitiae (Ps. XLIV, 8), ut abundet sis unctus, quia a Christo dicitur christianus. Sed numquid tu fortior, numquid sapientior, numquid nobilior, numquid omnibus illis ditior fuisti, qui hanc præ omnibus illis speciale gratiam sortiri meruisti? Quot fortes, quot sapientes, quot nobiles, quot divites ibi fuerunt; et tamen universi relieti et abjecti perierunt? Multum, fateor, collatum est tibi: nam cum foeda prius fuisses, et polluta, et deformis, et squalida, discissa et dissipata, et omni horrore et enormitate plena; sic Deus Dominus tuus dilexit te, ut te tantis gratiae sue muneribus ditaret. Nisi ergo prius multa cura, studio vehementi exculta et ornata decenter fueris, in cœlestis sponsi thalamum introduci digna non eris. Nunc ergo dum tempus est, o anima mea, formam tuam excole, faciem orná, habitum compone, maculas terge, mundiam repara, mores corrige, disciplinam serva, et omnibus tandem in melius commutatis, dignam sponsam digno sponso omni nisu te redde. Præpara ergo te sicut decet sponsam sponsi immortalis, sponsam regni coelestis.

CAPUT VIII. De virtutum munere. Dei ordinationi

in omnibus acquiescere. Hoc etiam ad dilectionem pertinere scias, quod habes unde te ornare possis: quod utique ex te non haberés, nisi ab illo reciperes. Ab illo autem accepisti, ut vestimenta honorum operum indui, et fructu eleemosynarum cum jejuniis et orationibus, cum sacris vigiliis aliisque operibus pietatis; quasi quodam vario ornatum possis ornari vel decorari: et quidquid ad sanitatem, quidquid ad refectionem; quidquid ad speciem reparandam; quidquid ad decorum augendum valere dignoscitur, copiose tribuit. Vide quam copiosa dispensatione tibi ubique occurritur. Non habuisti, et datum est tibi; perdidisti, et restauratum est tibi: nunquam derelinqueris, ut scias quantum ille te diligat a quo amaris. Non vult perdere; et ideo tanta patientia te exspectat: et concedit pie toties negligenter amissa iterum atque iterum si volueris reparare. O quot jam perierunt, qui ista tecum receperunt, sed amissa iterum tecum accipere non meruerunt! Plus omnibus illis dilecta es, quia tibi tam benigne amissum redditur, quod illis perditum tam districte negatur. Nunquam tibi gratia bene operandi ipso largiente negata est. Si magna opera facis, misericorditer sublimaris: si non facis magna opera, salubriter humiliaris¹. Melius enim novit ille quid tibi expediatur, quam tu; et ob hoc si vis de eo bene sentire, totum quod ab illo tibi fit, bene fieri intellige. Talis est enim amor Dei in nobis, ne quidnam omnino humana infirmitas tolerat, quod ipsa quantum in sua bonitate est, ad bonum nostrum non discedat. Forte gratiam virtutum non habes: sed diuinum vitium non impulsu concuteris, melius in humilitate solidari. Suavius enim redoleat Deo humilitas infirma, quam virtus elata. Nihil omnino dispositioni divinae præjudicare audeas: sed semper cum timore et reverentia ora Deum, ut quemadmodum ipse novit, tibi subveniat: si qua adhuc tamen in te mala remanserint, pie diluat; si qua inchoata sunt bona, benigne perficiat, et ea te, qua volnerit, ad se via perducat.

CAPUT IX. De illustratione aliis beneficiis. O anima, quid faciemus Domino Deo, a quo tot bona accepimus? Neque enim contentus fuit eadem, quae cæteris, nobis bona tribuere; sed in malis quoque nostris ejus singularem dilectionem cognoscimus, ut eum tam de bonis quam de malis nostris omnibus singulariter diligamus. Tu dedisti mihi, Domine, ut te agnoscam, et præ cæteris multis de tuis secretis revelata intelligam. Alios coætaneos meos in tenebris ignorantiae dereliquisti, et mihi præ illis sapientiae² tuæ lumen infudisti. Tu dedisti mihi sensum capacem, intellectum facilem, memoriam tenacem, efficaciam in opere, gratiam in conversatione, proiectum in studiis, effectum in coeptis³, solamen in adversis, cautelam in prosperis: et quocumque vertebam me, ubique gratia et misericordia tua præcessit. Et saepe mihi cum consumptus videbar, subito liberasti me; quando errabam, reduxisti me; quando ignorabam, docuisti me; quando peccavi, corripisti me; quando tristabar, consolatus es me; quando cecidi, erexisti me; quando steti, tenuisti me. Tu dedisti mihi verius cognoscere te, purius diligere te, sincerius credere in te, ardentius sequi te. O Domine Deus meus, dulcedo vitae meæ, lumen oculorum meorum, quid retribuam tibi, pro omnibus quae retribuisti mihi? Vis ut diligam te. Et quomodo diligam te? quantum diligam te? quis sum ego, ut diligam te? Et tamen diligam te, Domine, fortitudo mea, firmamentum meum, refugium meum et liberator meus, Deus meus, adjutor meus, protector meus, cornu salutis meæ, et susceptor meus. Et quantum adhuc dicam? Tu es, Domine, Deus meus.

CAPUT X. — De Dei circa nos sollicitudine. Præsentia ejus quid in auctore efficiat. Multa et innumera-

¹ Locus restitutus ex Hugone et ex Ms. Regio.

² Alias, gracie.

³ Alias, profectum in conceptis.

bilia bona fecisti mihi, Domine Deus meus, de quibus mihi dulce erit semper cogitare, semper loqui, semper gratias agere, ut te laudem et amen pro omnibus beneficiis tuis. Ecce habes, anima mea, arrham tuam; et in arrha tua cognoscis sponsum tuum. Serva ergo te illi intactam, serva impollutam, serva incontaminatam, serva integrum. Si olim meretrix fuisti, jam virgo facta es: quemadmodum amor illius consuevit corruptis integritatem reddere,¹ et integris castitatem servare. Semper cogita quantam tecum misericordiam fecit: et in hoc perpende quantum ab ipso diligenter, quod ejus beneficium nunquam tibi defuisse cognoscis. Sic certe mihi videtur, cum ejus miserationes circa me attendo, quod, si fas est dicere, nihil aliud agat Deus, nisi ut meae saluti provideat: et ita totum ad custodiam mei occupatum video, quasi omnium oblitus sit, et mibi soli vacare velit. Semper presentem mihi se exhibet Deus, semper paratum se offert: quocumque me vertero, me non deserit; ubicumque fuero, non recedit; quidquid egero, pariter assistit, et quod tandem cunctis actionibus meis perpetuus inspector, et quantum ad honestatem suam pertinet, quasi individuus cooperator assistat, ipso operis sui effectu patenter ostendit. Ex quo constat quod licet facies ejus a nobis adhuc videri non possit, nunquam tamen possit ejus praesentia evitari. Sed quid est illud dulce, quod in ejus recordatione me tangere solet, et tam vehementer atque suaviter afficere: ut jam tota quodam modo a memetipso abalienari, et nescio quo, abstrahi incipiā? Subito tota innovor et tota immutor, et bene mihi esse incipit ultra quam dicere sufficiam. Exhilaratur conscientia, in oblivionem venit omnis praeteritorum dolorum miseria, exsultat animus, clarescit intellectus, cor illuminatur, desideria jucundantur. Jamque alibi, nescio ubi, me esse video, et quasi quiddam amplexibus amoris intus teneo, et nescio quid illud sit: et tamen illud retinere semper et nunquam perdere toto nisu labore. Luctatur quodammodo delectabiliter anima ne recedat ab eo quod semper amplecti desiderat: et quasi in illo omnium desideriorum finem invenerit, summe et ineffabiliter exsultat, nihil amplius querens, nihil ultra appetens, semper sic esse volens. Numquid ille est dilectus? Vere ille est Dominus meus qui visitat me: sed venit invisibilis, venit occultus, venit incomprehensibilis. Venit ut tangat me, non ut videatur a me; venit ut admoneat me, non ut comprehendatur a me; venit ut non totum infundat se, sed ut gustandum præbeat se; non ut impleat desiderium, non ut plenitudinem exhibeat suæ perfectæ saietatis. Et hoc est quod maxime pertinet ad arrham desponsationis ejus: quod ille qui in futuro se tibi videndum et perpetuo possidendum dabit, nunc aliquo modo ut quam dulcis sit agnoscas, se tibi ad gustandum præbet (a).

CAPUT XI. *De munere vitæ in ortu servatae. De indultis sensibilibus oblectationibus. De aliis prærogatiis.* (b) Multum igitur Deus tuus diligendus est tibi, cui tanta beneficia contulit. Ut autem amoris ejus flamma amplius accendaris: considera diligenter, o anima, si præter illa quæ supra dicta sunt, aliqua tibi contulerit beneficia. Cum ergo quæ hic memorata sunt bona tibi vides collata, multum ei a quo tibi hæc collata sunt debes gratiosus et devotus existere, et gratias agens dicere: Valde mihi diligendus est Deus meus, qui bene utens malo parentum meorum, creavit me de carne illorum, et inspiravit in me spiraculum vitæ; discernens me ab illis qui vel abortivi projecti sunt ab utero, vel intra materna viscera suffocati, pœnæ videntur concepti, non vitæ. Accepi ergo ut sim, accepi ut homo sim, accepi intellectum, quo intersit inter me et pecus. Accepi corporis formam, accepi in corpore distinctionem sensuum; oculos

Addè, ita.

(a) Hactenus Hugonis verba de Arrha animæ

(b) Ex Anselmi Medit. 16; Hug. Vict., lib. 7 Erudit. didasc., cap. 45.

ad videandum, aures ad audiendum, narres ad odorandum, manus ad contrectandum, palatum ad gustandum, pedes ad ambulandum, salutemque ipsam corporis. Magnum fuit et hoc, quod ad eorumdem sensuum meorum oblectamenta singula sensibus singularis convenientia creavit Deus, multa pulchre convenientia et lucentia, canore mulcentia, suave olenitia, dulce sapientia, tactui placentia. Ob hoc enim providentia, Crætoris tam diversas qualitates rebus indidit, ut omnes sensus hominis sua oblectamenta inveniant. Aliud enim percipit visus, aliud odoratus, aliud auditus, aliud olfactus, aliud gustus, aliud tactus. Visum pascit pulchritudo colorum, suavitas cantilenæ demulcat auditum, fragrantia odoris olfactum, dulcedo saporis gustum. Et quis omnes delicias sensuum enumerare queat? quæ tam multiplices sunt in singulis, ut si quis quemlibet per se consideret, quemlibet per se singulariter ditatum putet. Quot oblectamenta oculorum in diversitate colorum monstramus, tot oblectamenta aurum in diversitate sonorum audimus; inter quæ prima sunt dulcia sermonum commercia, quibus homines ad invicem suas voluntates communicant, præterita narrant, præsentia indicant, futura nuntiant, occulta revelant; adeo ut si careat his vita humana, bestiis comparabilis videatur. Quid autem concentus avium, quid humanæ vocis melos jucundum, quid dulces modos sonorum omnium comitem? quia tam multa sunt harmoniae genera, ut ea nec cogitatus percurrere, nec sermo facile explicare possit: quæ tamen cuncta auditui serviunt, et in ejus delicias creata sunt. Sic est de olfactu: habent thymiamata odorem suum, et cuncta quæ suavem præstant odorem, et dulces spirant odores, olfactui serviunt, et in ejus delicias creata sunt. Eodem modo gustus et tactus varia habent oblectamenta, quæ ex similitudine priorum satis perpendi possunt. Magnum est certe et hoc, quod sana et integra membra creavit mihi Deus; ne essem meis dolor, opprobrium alienis. Accepi etiam amplius, mentem scilicet, quæ possit intelligere, quæ possit capere veritatem, quæ possit justum ab injusto discernere, quæ possit indagare, desiderare Creatorem, laudare et inhærere illi. Magnum etiam aestimo beneficium, quod eo tempore et inter tales me nasci voluit Deus, per quos ad fidem suam et sacramenta pervenirem. Video innumerabilibus hominibus hoc negatum, quod mihi gratulor esse concessum: cum quibus tamen nobis esset¹ una conditio. Illi derelicti sunt per justitiam, et ego vocatus sum per gratiam. Procedam adhuc, etiam intuens munus ejus fuisse quod educatus fui a parentibus; quod mē flamma non læsit, quod aqua non absorbit, quod non sexatus a dænone, quod a bestiis non percussus, quod non præcipitio necatus, quod usque ad congruam aetatem in fide ejus et bona voluntate sum nutritus.

CAPUT XII. *De longanimitate Dei. Tribus modis a peccando servamur. De Angelo custode. Peccator omnem in se creaturam commovet. Quam liberaliter ignoscat Deus.* (a) Magnam igitur, Domine Deus, erga me ostendisti pietatem. Cum autem in cunctis operibus tuis sis mirabilis, mirabilior tamen crederis esse in visceribus pietatis: nullum enim spensis, nullum abjicis, neminem perhorrescens, nisi qui forte te amens exhoruerit. Dôna igitur tua sunt hæc, Domine, mihi a te misericorditer indulta, quod me in periculis saepe constitutum clementer eripuisti, nec unquam pro peccatis meis quominus miserereris, vinci potuisti; oblitum tui de te admonisti, aversum a te revocasti, venientem ad te benigne suscepisti, pœnitenti indulsti non solum ea quæ commisi peccata, sed etiam quæ te protegente non commisi. Quodcumque enim mali protegente te non commisi, totum a te dimissum deputandum est. Nam sicut in

¹ Apud Anselmum, est.

(a) Ex Medit., cap. 2; ex Hug. Vict., lib. 5 de Modo orandi, cap. 1; Bernard. serm. 5, in Dom. 6 post Pentec., n. 1-4; et ex Anselmi Medit. 16.

multā peccata cecidi; sic et in multo plura, nisi me servasses, cecidisse. Tribus autem modis memini me a peccatis conservatum, scilicet occasionis subtractionē, resistendi data virtute, affectionis sanitatem. Multa enim in peccata cecidisse, si data esset occasio: sed Dei miseratione non me talis opportunitas apprehendit. In multa quoque paulo minus cecidisse graviter impulsus violentia temptationis: sed virtutem dedisti mihi, Domine, ut sub me esset appetitus meus, et ei quam sentiebam concupiscentiae minime consentire. Sed a quibusdam peccatis tam longe me fecit tua miseratione, Domine, ut penitus abominarer ea, et ne ulla me quidem eorum tentatio molestaret. Magnae quidem bonitatis est indicium. Domine Deus, et hoc quod ego infelix te irritavi, ego malum eoram te feci, furorem tuum provocavi, iram promerui; peccavi, et passus es; deliqui, et adhuc sustines. Si poeniteo, parcis; si revertor, me suscipis; insuper dum differo, præstolaris. Revocas errantem, invitā¹ repugnantem, exspectas torpentem, amplectaris redeuntem; doces ignorantem, mulces moerentem; a ruina suscitas, post lapsū reparaſ, petenti largiris, querenti inventiris, pulsanti aperis; ostendis mihi bene vivendiam, das gradiendi scientiam. Magnum est etiam et hoc, Domine, quod multa mihi antequam pētere possem, vellem aut nossem, bona contulisti. Non solum autem, Domine, sed et postquam scivi et potui te petere, te querere, te desiderare, tibi inharrere, gratuita bonitate tua non petenti, non querenti, non desideranti, imo etiam parvipendenti vel etiam continenti tua mihi bona largitus es. Maximum aestimo et illud fuisse beneficium, quod Angelum pacis ab ortu nativitatis mee ad me custodiendum, usque ad finem meum mihi dedisti: unde quidam sanctus ait, *Magna est dignitas animarum, ut una quæque habeat ab ortu nativitatis ad custodiam sui Angelum delegatum* (*Hieron. in Matth. xviii.*).

Magnæ pietatis fuit et hoc, Domine, quod mira patientia tua meas sustinuit iniquitates. Cui gratias referre debeo, quod non secundum iniquitates meas retribuisti mihi, quod me terra non absorbuit, non me cœlum fulminavit, non me fulgur combussit, non flumina submerserunt, nec alia pena vel morte prout dignus eram, multasti. Cum enim peccando a te recederem, non solum iram tuam promerui, sed et omnem creaturam adversum me excitavi. Nam si servus cuiusquam a domino suo recederet, non solum dominum ipsum exacerbaret, sed et totam ejus familiam, justissime irritaret. Cum ergo te Deum omnium creatorum offendii, omnem creaturam, quantum spectat ad meritum meum, in iram commovi; ita ut merito pro te pugnaret adversum me totus orbis terrarum. Posset enim terra dicere mihi: Non debeo te sustinere, sed potius absorbere; quoniam à Creatore meo non timuisti peccando recedere, et inimico, scilicet diabolo, adhærere. Posset quoque sol dicere: Non debeo tibi ad salutem lucere; sed potius ad vindictam Domini mei, qui est lux lucis et fons luminis, penitus tibi radios mēos abscondere. Sic etiam cuncta quæque creatura serviret ad ulcerandam tantam injuriam sui Creatoris, nisi imperium ejus cohiberet ipse qui eam condidit, qui non vult mortem peccatoris, sed ut convertatur et vivat. Oportet ergo me, Domine, tanto magis sub potenti manu tua humiliari, tanto magis tibi gratiosum et devotum et ad serviendum promptiorem existere, quanto me de tantis beneficiis tuis obligatiorem conspicio in reddenda ratione: ne diu dilata vindicta tanto acrius adveniendo mala mea puniat, quanto diutius toleravit quod puniri poterat.

Tamdiu igitur exspectata cogita, o anima mea, Dei longanimitatem quam exhibuit, electionem prædestinationis suæ quam impleri voluit, nimiam charitatem qua nos dilexit. Propter hoc enim exspectans exspectavit Dominus et intendit mihi: sed avertit oculos

¹ Sic MSS. At editi, vincis

suos a peccatis meis, quasi nolens advertere quantum delinquerem. Propter hoc, inquit, dissimulabat; ut commendaret patientiam suam, impleret electionem suam, confirmaret charitatem suam. Propter hoc, ut bene memini, concusso cor meum, excitans illud ut adverteret suorum vulnera peccatorum, et vulnerum sentire dolorem; etiam et terruit deducens ad portas inferi, et preparata inquis supplicia monstrans: et ut nil jam noxiæ remaneret delectationis¹, meliorem mihi consolationem inspirans, spem indulgentiae dedit, deinde et ipsam indulgentiam contulit. Sic autem ex toto induxit; et tam liberaliter omnem donavit injuriam, ut jam non damnet ulciscendo, nec confundat improverando, nec minus diligat impunitando. Sunt enim aliqui sic donantes injuriam, ut non ulciscantur, saepius tamen improverent: sunt et aliqui, qui licet sileant, manet tamen aliquid alta mente repositum, rancoremque tenent in animo; quorum utique neutra plena est indulgentia. Longe ab his benignissima divinitatis natura, liberaliter agit, ignoscit plenarie: ita ut² propter fiduciam peccatorum, sed poenitentium, ubi superabundavit delictum, soleat et gratia superabundare. Testis est Petrus, cui post triennium negationem totius Ecclesiæ pastoralis cura est commissa: testis est Paulus, qui de Ecclesiæ persecutore effectus est vas electionis et doctor Gentium: testis est Matthæus, qui de telonio electus est in Apostolum, cui etiam et Novi Testamenti primum scriptorem esse donatum est.

CAPUT XIII. *De dono continentiae. Cujus hostis triplex.* (a) Post hæc dedit mihi Dominus Deus continentiam. Continentiam autem dico, non a sola luxuria, sed a ceteris quoque, sicut necesse est, vitiis et peccatis. Qui et aliquando vix per triduum continebam, postea Dei auxiliante gratia, per longum tempus potui continere. Ex hoc invenio unde merito exclamare possim: *Quia fecit mihi magna qui potens est* (*Luc. 1, 49*). Forte parum quid reputat aliquis continentiam: sed ego non ita. Scio enim quos habeat oppugnatores, et quantæ illam necesse sit esse virtutis, ut possit talibus resistere. Primus hostis continentiae nostræ caro nostra est concupiscentia aduersus spiritum. Quam domesticus hostis, quam periculosa lucta, quam intestinum bellum! Hostem hunc crudelissimum nec fugere possumus, o anima mea, nec fugare: sed circumferre illum necesse est, quoniam alligatus est nobis. Quid autem periculosius et miserabilius est, quam quod hostem nostrum cogimur sustentare, perimere eum non licet? Vides³ ergo quam sollicite te custodire necesse sit ab ea, quæ dormit in sinu tuo. Verumtamen non est hic solus adversarius mihi; alium adhuc habeo, qui circumcinxit me et obsedit undique. Hostis iste est præsens sæculum nequam, qui per quinque portas, quinque videlicet sensus corporis, jaculis suis vulnerat me, et mors intrat per fenestras meas. Tertius hostis est antiquus humani generis inimicus, antiquus serpens callidior cunctis animantibus: iste est hostis quem nec possumus videre, quanto minus cavere? Hic hostis nunc quidem aperte et violenter, nunc occulite et fraudulenter, semper autem malitiose et crudeliter nos impugnat et persegitur. Et ad hæc toleranda, ne dicam superanda, quis idoneus? Hæc ideo dixi, ut innotesceret continentiae difficultas, ut sciamus quæ a Deo data sunt nobis (*I Cor. 11, 12*): ac per hoc amplius diligamus eum qui hanc nobis virtutem tribuit. Omnino enim in Domino facimus hanc virtutem, et ipse ad nihilum deducit omnes tribulantes nos. Ipse est qui non modo carnem nostram cum vitiis vel concupiscentiis suis, et præsens sæculum nequam cum curiositatibus suis

¹ Unus e MSS. Reg., *cogitationis*. Editi, *rationis*.

² Ms. Regius hic addit, *non*.

³ Alias, *vide*.

(a) Bernard. serm. 5 in Dominic. 6 post Pent., n. 5, et id. Medit. cap. 15.

et vanitatibus suis ; sed etiam ipsum cum temptationibus suis conterit satanam sub pedibus nostris. Numquid non merito dixeram , invenichdum in continetia unde clamarem , *Quia fecit mihi magna qui potens est?*

CAPUT XIV. *Spes æternæ vitæ stat in tribus.* (a) Post hæc dedit mihi Dominus Deus gratiam promerendi bona vitæ æternæ , quam gratiam in tribus maxime stare arbitror : in odio scilicet præteriorum malorum, in contemptu bonorum præsentium, in desiderio futurorum. Deinde dedit mihi spem eadem obtainendi, quæ in tribus consistit ; tribus , inquam , quæ sic roborant et confirmant cor meum , ut nulla me penuria meritorum , nulla consideratio propriæ vilitatis, nulla aestimatio coelestis beatitudinis de celitudine spei dejicere possit in ea firmiter radicatum. Desideras, o anima mea, scire quæ sint illa ? Tria considero in quibus spes mea tota consistit ; scilicet charitatem adoptionis , veritatem promissionis , protestatem redditionis. Murmuret jam quantum voluerit insipiens cogitatio mea, dicens : Quis enim es tu, aut quantæ est illa gloria, quibusve meritis hanc obtinere speras ? Et ego fiducialiter respondebo , Scio qui credidi , et certus sum , quia in charitate nimia adoptavit me Deus , quia verax est in promissione , quia potens est in exhibitione : licet ei facere quodcumque voluerit. Pro his ergo Deus meus merito diligendus est.

CAPUT XV. *De beneficiis impertitis. Confidendum Deo et in bonis et in malis.* Magnæ autem gratiæ fuit, quod me Deus a se fugientem persecutus est, timenti blanditus ; quod erexit me in spem toties desperatum, quod suis obruit beneficiis ingratum, quod gustu interioris dulcedinis immundis assuetum delectationibus attraxit et illexit, quod indissolubilia malæ consuetudinis vincula dissolvit, et abstractum sæculo benigne suscepit. Adhuc , anima mea , illa in quibus tibi sola conscientia es , divinæ bonitatis inspice munera : quam jucunda facie abrentianti sæculo tibi Christus occurrit , quibus esurientem deliciis pavit , quas miserationum suarum divitias ostendit, quos inspiravit affectus, quo te charitatis poculo inebriavit. Magnum fuit et hoc, quod me fugientem servum suum et rebellem, sola sua miseratione vocatum, spiritualliti consolacionum non reliquit expertem. Si enim tentabar, ille me sustentabat ; si periclitabar, ille me erigebat ; si contristabar, ille me confortabat ; si fluctuabam, ille solidabat. Quoties præ timore arescebam, illé plus consolator astabat ; quoties aestuabam præ timore , illé meis se visceribus infundebat. Perpendo etiam quoties psallentem vel legentem spiritualium me sensuum lumen illustrabat, quoties orante in quoddam ineffabile desiderium sui rapiebat , quæcūties mente meam a terrenis subtractam, ad cœlestes delicias et paradisi amoenitates transportabat. Taceo multi et magna misericordiae suæ circa me opera ; ne aliquid gloriæ , quæ tota ejus est, ad me videatur transire. Ita enim secundum hominum aestimationem sibi cohærent gratia dantis et felicitas recipientis, ut non laudetur solum qui solum laudandus esset, scilicet ille qui dedit, sed etiam ille qui recepit. Quid enim habet aliquis quod non accepit ? aut qui gratis accepit, quare laudatur quasi promeruerit ? Tibi ergo laus, Deus meus, et gloria mea, tibi gratiarum actio : mihi autem confusio faciei meæ , qui tot mala feci, et tot bona recepi.

Vide ergo, o anima mea , quia multum commendat bonitatem Dei, non solum largitas sua, sed et iniquitas nostra. Si enim magnum est nihil promerentibus impendere multa, quale quantumve erit retribuere bona promerentibus mala ? O quanta pietas, quam nulla potest superare impietas ! Alia sunt quæ misericorditer Deus ignoscit, alia quæ affluenter tribuit. Ignoscit mala nostra, largitur bona sua : semper præ-

(a) Bernard., Medit. cap. 45, n. 6, et ex Anselmi Médit. 16.

sto ad ignoscendum , paratus semper ad largendum : hinc pius , hinc largus ; utrobique benignus, ubique bonus. Confiteamur ergo illi mala nostra, confiteamur et bona nostra. Confiteamur a nobis mala nostra esse , ut pie ignoscat : confiteamur ab ipso bona nostra esse , ut conservet et augeat. Hoc igitur incessanter agamus , ne ingrati appareamus, vel de indulta venia, vel de concessa gratia. Hæc, inquam, agat qui se credit vel cupit esse amorem Dei. Verus enim amor semper confitetur. Quid ergo hæc omnia faciunt diligenter considerata, nisi ut considerantis animum ab omni penitus abstractum amore, ad Deum diligendum qui hæc contulit, mirabiliter rapiant, vehementer afficiant ? Si quis autem non hæc omnia bona a Deo sibi videt collata, et ideo illum parum diligere non veretur; sciat pro certo quod nemo est qui non facile, si querit, inveniat unde plurimum sit obnoxius Deo, unde totis viribus, totis cordis medullis diligere, unde etiam et continuas gratias referre debeat. Ille ergo cui aliqua bona ¹ saluti necessaria desunt, nec si contra Deum murmuraret, nec eum accuset : quia omnia certissima et justissima ratione facit Deus, qui cui vult miseretur, et quem vult indurat (*Rom. ix, 48*), qui et potens est dona sua cum voluerit ² conferre, et collata cum voluerit auferre. Doleat ergo qui hæc non habet, et laboret et oret ut habeat : pro acceptis vero bonis Deo gratus existat.

CAPUT XVI. *De beneficio redemptionis. Bona terrena et cœlestia.* (a) Magna igitur et multa, imo certe innumerabilia sunt, quæ mihi, Domine Deus, contulisti beneficia ; pro quibus merito mihi diligendus et semper es laudandus. Quid enim boni habeo vel habui, vel habiturus sum , quod a te summo bono non est, a quo omne quod bonum est , et dicitur , et etiam procedit ? Unum autem est quod me plus his omnibus accedit, urget, movet, et promovet ad te diligendum : super omnia, inquam, amabilem te mihi reddit, o bone Jesu, ignominiosissima et amara mors quam sustinuisti, opus nostræ redemptionis. Hoc solum omnino totam vitam nostram , totum laborem nostrum , totum obsequium nostrum , amorem denique nostrum facile sibi vindicat totum : hoc, inquam, est quod devotionem nostram et excitat melius, et nutrit suavius, et auget amplius. Multum quippe in hoc opere laboravit auctor mundi, nec in omni fabrica mundi tantam fatigationem sustinuit. De mundo enim et de his quæ in mundo sunt, dixit, et facta sunt ; mandavit, et creata sunt (*Psal. xxxii, 9*) : at vero pro redemptione generis humani magnos et multos et diuturnos labores sustinuit, et dolores. Ecce quomodo nos dilexit , qui nulla sui necessitate, sed sola nostra charitate tam dura et indigna sustinuit. Merito ergo dixerim hoc unum omnibus aliis præstare beneficiis. Quippe cum magnum sit aliquem sua gratis alicui conferre, multo majus certe est semetipsum impendere. Et cum magnæ charitatis sit animam pro amicis dare, multo majoris charitatis indicium est animam pro inimicis ponere, quod Filius Dei pro nobis fecit. Nam cum inimici essemus Deo, reconciliati sumus per mortem Filii ejus. Vix autem pro justo quis moritur, ipse autem pro impiis est mortuus, justus pro injustis, ut nos offerret Deo : exsul a cœlis factus , ut nos reportaret ad cœlos. O quam ineffabilis pietas, quam ineffabilis dulcedo charitatis, quam stupenda dignatio charitatis fuit, Deum pro homine hominem fieri, Deum pro homine carnem indui , mori , tentatum per omnia pro similitudine absque peccato ! Ecce cum quanto pretio quanto labore redimebatur homo , qui diabolo jure debebatur : qui si non redimeretur, sine dubio aeternaliter cum diabolo damnaretur. Haec ideo dixi, ut intelligat homo quantum debeat diligere Deum ; quantum pa-

¹ Unus e MSS. Reg., *tanta bona*.

² Unus MS., *cui vult*.

(a) Imitatur Bernard. serm. 20 in Cant., n. 2.

tiēnter, imo libenter, non solum autem hoc, sed etiam ardeenter pro illo sustinere labores et dolores, qui pro se tanta ac talia sustinuit. *Per multas enim tribulationes oportet nos intrare in regnum cœlorum* (Aet. XIV, 21). Amplectatur igitur te anima mea, Domine Jesu, crucifixum, sumat tui dulcissimi sanguinis haustum : occupet memoriam meam hæc suavis meditatio, ne ex toto eam oblivio obscuret. Judicem me nihil scire, nisi JESUM Christum, et hunc crucifixum ; ne scientiam meam a soliditate fidei vanus error abducat : vindicet sibi totum amorem meum hæc tua mira dilectio ; ne illum cupiditas mundialis absorbeat. MENTEM enim quam tuæ, Dominæ, dulcedo charitatis compleverit, non timor angustiat, non libido commaculat, non ira dilaniat, non superbia elevat, non cenodoxiae inanis fumus eventilitat, non exagitat furor, non stimulus ambitionis eviscerat, non avaritia contrahit, non dejicit tristitia, non invidia tabefacit : nullum denique vitium eam corruptit, dum in eadem dulcedine immobilis persistit. Qui ergo suis tanta præstat in præsenti, quanta illis servat in futuro ? Quæ dat in præsenti, temporalia sunt : quæ autem in futuro sæculo se promittit Deus suis daturum, æterna sunt, et bonis temporalibus incomparabiliter meliora. Temporalia enim bona difficile acquiruntur, et aequisitatem facile dilabuntur : et quæ etiam habita sunt, cum gravi sollicitudine custodiuntur, et cum dolore amittuntur, et amissum gravi labore recuperantur. Futuri autem sæculi bona nunquam amittuntur, nunquam minuntur, cum gaudio et quiete possidentur, semper habentur, semper desiderantur, et nunquam fastidiuntur. Quæcum semel quis acceperit, ita securus erit ea se nunquam amissurom, sicut certus est vel erit illa se nunquam velle amittere.

CAPUT XVII. *Promissa Dei. Ea nimium desiderari non possunt.* Valde igitur diligendus est Deus in promissis suis : qui magna nobis dedit, sed majora promisit. Promisit nobis a labore requiem, a servitute libertatem, a timore securitatem, a mœrore consolationem, a morte resurrectionem, et in resurrectione plenum gaudium, summum gaudium et indeficiens. Denique promisit nobis se ipsum, sicut juravit patribus nostris daturum se nobis (Luc. I, 73). Magnæ sunt igitur promissiones Dei, et ineffabiles ; et pro his, et in his vult amari a nobis aliquo modo. Si modum quæras, vehemens desiderium promissionis, modus est amoris. Promissio Dei quantumcumque desideretur, minus desideratur quam debet. Nam quantumcumque proficerit, plus debet. Vehemens itaque desiderium aliquo modo non habet modum, cum non possit esse nimium. Cum in cæteris rebus impatiens soleat culpari, in exspectatione tantæ promissionis laudabilis est vehemens impatiens dilationis. Cum eum qui plus amat, et qui plus desiderat, dilationis impatiens magis cruciat, spes quæ differtur affligit animam, hæc autem omnia bona in cœlesti habitent patria. De illo igitur bono, quod omnium bonorum summum est, quid vel quale sit, primum dicendum est.

CAPUT XVIII. *Quale et quantum electorum gaudium. Beatorum mentes invicem patebunt. Corpora erunt integra.* (a) Excitemus igitur et erigamus totum intellectum nostrum, in quantum Deus donaverit, et cogitemus quale et quantum electorum sit unicum et singulare gaudium istud, scilicet unum et summum bonum, quod est vita, lux, beatitudo, sapientia, æternitas et multa hujusmodi bona ; et tamen non est nisi unicum et summum bonum, omnino sibi sufficiens, nullo indigens, quo omnia indigent ut sint, et bene sint. Hoc bonum est Deus Pater, hoc est Verbum, id est, Filius Patris ; hoc ipsum est amor unus et communis Patri et Filio, scilicet Spiritus sanctus ab ulroque procedens. Quod autem est

singulus quisque, hoc est tota Trinitas simul, Pater et Filius et Spiritus sanctus : quoniam singulus quisque non est aliud quam summe simplex unitas, et summe una simplicitas, quæ nec multiplicari, nec aliud et aliud esse potest. Porro unum est necessarium (Luc. x, 42). Porro hoc est illud unum necessarium, in quo omne bonum : imo quod est omne, et unum, et totum, et solum bonum. Si enim singula bona delectabilia sunt, cogita attente quam delectabile sit illud bonum, quod continet jucunditatem omnium bonorum ; et non qualem in rébus creatis sumus experti, sed tanto differentem, quanto differt Creator a creatura. Si enim est bona vita creata ; quam bona est Vita creatrix ? Si jucunda est salus facta ; quam jucunda est Salus quæ fecit salutem ? Si amabilis est sapientia cum cognitione réfum conditarum ; quam amabilis est Sapientia quæ condidit omnia ex nihilo ? Denique si multæ et magnæ delectationes sunt in rebus delectabilibus ; qualis et quanta est delectatio in illo qui fecit omnia delectabilia ? O qui hoc bono fruetur, quid illi erit, et quid illi non erit ? Certe quidquid volet, erit ; et quidquid nolet, non erit. Ibi quippe erunt bona corporis et animæ, qualia nec oculus vidit, nec auris audivit, nec in cor hominis ascendit¹ (I Cor. II, 9). Cur ergo per multa vagamur quærendo bona corporis et animæ nostræ ? Aniemus unum bonum, in quo sunt omnia bona ; et sufficit. Desideremus simplex bonum, quod est omne bonum ; et satis est. Quid enim amas, o caro ? quid desideras, o anima ? Ibi est quidquid amas, quidquid desideras. Bona ergo regni cœlestis dicere vel cogitare vel intelligere ut sunt, nullus potest carne vestitus : multo enim majora sunt et meliora, quam quæ cogitamus aut intelligimus. Regnum namque Dei omni fama majus est, omni laude melius, omni scientia innumerabilis, omni gloria quam putatur excellentius. Regnum, inquam, Dei plenum est lucis ac pacis, charitatis et sapientiae, honestatis et gloriae, dulcedinis et dilectionis, lætitiae et beatitudinis perennis, et omnis boni ineffabilis, quod nec dici nec cogitari potest. Nec ideo tamen debo tacere, sed dicere quantum valeo, quia dicere quantum volo non valeo. Neque enim quia Deum ineffabilem credimus, fari de illo quod possumus non debemus. Ita sane et plus credatur de illa vita, quam scribitur ; quia non potest tantum inde proferri sermone, quantum potest mente complecti ; et minus concepit mentis humanæ quantumlibet profunda complexio, quam se habeat ipsius rei magnitudo. Ergo futura vita credatur beate sempiterna et sempiternæ beata : ubi est certa securitas, secura tranquillitas, tranquilla jucunditas, felix æternitas, æterna felicitas ; ubi amor est perfectus, timor nullus, dies æternus, alacer motus, et unus omnium spiritus, de contemplatione Dei sui, ac de sua cum illo permanescione securus ; ubi ipsa civitas, quæ est Angelorum omnium atque sanctorum cœgregatione beata, meritis fulgentibus micat ; ubi æterna salus exuberat, veritas regnat ; ubi nec fallit quisquam, nec fallitur ; unde beatus nullus ejicitur ; ubi nullus miser admittitur. Hæc est contemplativa vita beata, ad quam qui bonorum opérum consummatione pervenerint, beatissimiles erunt, et simul cum Deo sine fine regnabunt. Quod autem hic crediderunt, ibi videbunt : sui Creatoris substantiam mundissimis cordibus contemplantes, æternâ exultatione gaudebunt, divinae charitatis et mutuae dilectionis possessione Deo suo in æternum, et invicem sibi adhærebunt : receptis cum incorruptione atque immortalitate corporibus, municipatum² patriæ cœlestis accipient, atque ejus in æternum cives effecti præmia promissa reportabunt. Ibi eis exuberabit tanta lætitia, tanta cœlestium gratia gaudiorum, ut et remuneratori suo pro tantis muneribus gratias agant, et nullum fastidium ex ipsa affluentis gratiarum

¹ Apud Anselmum, nec cor hominis cogitavit.

² Ms. Regius, munus indeficiens.

bonorumque perceptione sustineant. Ibi ita patet bunt singulorum singulis mentes, sicut corporalibus oculis subjacent facies corporales; quia humanorum pectorum tanta erit ibi et tam perfecta munditia, ut habeant unde mundatori suo gratias agant, non unde offensi aliquibus¹ sordibus peccatorum erubescant: quia ibi nec ulla peccata, nec peccatores erunt; et ibi qui fuerint, jam peccare non poterunt. Nec latet jam perfecte beatos aliquid secretorum, qui, quod est praestantius longe, ipsum visuri sunt mundis cordibus Deum: quandoquidem humana creatura ita perfecta erit, ut in melius aut in deterius ultra mutari non possit. Cujus humanæ substantiae ad Conditoris sui similitudinem sublimatae, omnia bona quæ naturaliter accepta corruperat peccando, reparabuntur in melius, id est, intellectus sine errore, memoria sine oblivione, cogitatio sine pervagatione, charitas sine simulatione, sensus sine offensione, incolunitas sine debilitate, salus sine dolore, vita sine morte, facilitas sine impedimento, saturitas sine fastidio, et tota sanitas sine morbo. Quoniam quidquid hic humanis corporibus vitiatis aut ferarum morsus, aut improvisi casus abstulerint, aut malarum valetudinum

¹ Sic MSS. At editi, antiquis.

genera diversa decerpserint, aut humana crudelitas amputaverit, aut ignis, aut quælibet alia res aliquid debilitatis intulerit, aut ipsa senectus etiam sanis onerosa negaverit; haec atque his similia corporum damna una ibi resurrectio reparabit, atque ea corpora membris omnibus instaurata, incorruptibilis sanitas obtinebit. Propterea quicumque erunt ibi, etsi differentibus meritis ab invicem distabunt, (a) omnes tamen una perfectione beati erunt; quia singulis praemia sua sufficientia erunt. Sicut enim corporalis satietas omnes saturatos æqualiter habet, quamvis singuli cibum non æqualiter, sed pro posibilitate coeperint: ita omnes sancti, etsi fuerint aliqua graduum suorum diversitate distincti, una beatitudine perfecti erunt; quia et una perfectione beati futuri sunt. Cæterum in illa tantæ beatitudinis regione nec majoris meriti sibi aliquid arrogabunt, quia arrogantia ibi nulla erit; nec superioribus inferiores invidebunt, quia ibi invidus esse non poterit: et ideo etsi erit ibi distantia mansionum, summa in illis erit unius perfectionis æqualitas, quibus erit regni cœlestis una felicitas.

(a) Quæ supersunt, ex uno e MSS. Reg. primum datum.



ADMONITIO IN SUBSEQUENTEM LIBRUM.

Soliloquia ab Augustino composita memorat Possidius in Indiculo, cap. 6; et ea recenset Augustinus ipse, lib. 4 Retract., cap. 4, sed quæ scribendi methodo et argumenti ratione satis intelliguntur longe diversa esse ab opere sub sequente, atque eadem plane ac illa quæ in primo tomo exstant inter primas ipsius lucubrationes. Iis enim duos in libros distributis, et dialogi forma conscriptis, cur Soliloquiis nomen fecerit Augustinus, sic in eodem Retractionum capite docet: *Scripti, ait, duo volumina... de his rebus, quas maxime scire cupiebam, me interrogans mihi respondens, tanquam duo essemus, Ratio et ego, cum solus essem; unde hoc opus Soliloquia nominavi.* Tum inde, quas in primo libro, quas in secundo quæstiones moverit, quæve in iis dicta repererit minus probanda, disertis verbis declarat: eaque omnia in Soliloquiis prædictis primi tomī comprehenduntur, atque iis solis convenient. Alterum ex iisdem Soliloquiorum libris citat Florus seu Beda vulgatus ad I Cor. xiii. Cæterum libri subsequentis, cui si non inepte, minime tamen eamdem ob causam inditum Soliloquiorum nomen, nullus veterum ante annos forte quingentos, nedum ipsè Augustinus, meminisse usquam potuit. Quippe recentius ab incerto auctore collectus est, non modo ex Augustino, libris præsertim Confessorum ipsius, sed etiam ex Hugone Victorino, libro de Arrha animæ, habetque in trigesimo secundo capite insertum caput primum Concilii Lateranensis quarti, circiter an. 1198 habiti, paucis prætermisis verbis (a). Magnam porro consensionem et affinitatem in eo reperies cum plerisque collectaneis opusculis hujuscce Appendix; scilicet cum libris de Spiritu et Anima, et de Diligendo Deo, cum Manuali, etc. Præ cæteris vero ad excitandum Dei amorem comparatus, ac piis erga ipsum affectibus refertus est. Castigator hic demum exhibetur iste liber subsilio veterum codicūm bibliothecæ Regiæ, Colbertinæ, coenobii S. Medardi apud Suessiones, et S. Petri de Cultura apud Cenomanos.

(a) Loca ex S. Doctore vel ex aliis auctoribus desumpta indicavimus notis alphabeticis parenthesi inclusis, ac sub initio loci excerpti positis. M.

SOLILOQUIORUM ANIMÆ AD DEUM LIBER UNUS.

80000

CAPUT PRIMUM. Aspiratio ad cognitionem et amorem Dei. Visionis Dei desiderium. Amoris Dei defectus causæ. Hominis a Deo discrepantiæ. Agnoscam te, Domine cognitor meus; cognoscam te, virtus animæ meæ. Ostende te mihi; consolator meus;

videam te, lumen oculorum meorum. Veni, gaudium spiritus mei; videam te, lætitia cordis mei; diligam te, vita animæ meæ. Appare mihi; delectatio mea magna, solatium meum dulce, Domine Deus meus, vita et gloria tota animæ meæ. Inveniam te, deside-